



NEWSLETTER BR. 13

NOVEMBAR 2015

SADRŽAJ

FIPA AKTIVNOSTI ≡

- » Učešće Agencije FIPA na Investiciono-razvojnoj konferenciji : Srebrenica 2015
- » Učešće Agencije FIPA na RENEXPO® BiH
- » Učešće FIPA-e na panel diskusiji „Pozitivni aspekti privatizacije“ povodom 10 godina uspješne privatizacije kompanije MANN+HUMMEL BA Tešanj

POSLOVNE VIJESTI ≡

- » U Konjicu planirana izgradnja elitnog naselja "Neretva elite resort"
- » 1.495.000 KM dodjeljeno za unapređenje poslovnih zona u 11 općina Federacije BiH
- » Otvorena fabrika u Mrkonjić Gradu
- » Construction of the biggest blueberry plantation in Europe began in the Municipality of Živinice

FIPA AKTIVNOSTI ≡

≡ UČEŠĆE FIPA-E NA PANEL DISKUSIJI „POZITIVNI ASPEKTI PRIVATIZACIJE“ POVODOM 10 GODINA USPJEŠNE PRIVATIZACIJE KOMPANIJE MANN+HUMMEL BA TEŠANJ



UČEŠĆE AGENCIJE FIPA NA RENEXPO BIH ≡



...I JOŠ FIPA AKTIVNOSTI...



UČEŠĆE AGENCIJE FIPA NA INVESTICIONO-RAZVOJNOJ KONFERENCIJI : SREBRENICA 2015



Investiciono-razvojna konferencija „Srebrenica 2015“ održana je u Srebrenici 11. i 12. novembra 2015. godine sa ciljem predstavljanja investiciono-razvojnih potencijala ovog područja.

Ovom prilikom su prezentirane mogućnosti ulaganja u Općinu, infrastrukturni projekti, mjere podsticaja, kao i firme koje su uspješno realizirale investicijske projekte poput firmi : Prevent, Bos Agro Food, Bios, Alma Ras, Fabrika za pocinačavanje, Rudnik olova i cinka, te je prezentiran i projekat Guber Banja.

Zamjenik direktora Agencije FIPA Blaženka Mišković je ovom prilikom govorila o investicionoj klimi u BiH i osnovnim komparativnim prednostima Bosne i Hercegovine za strane investitore.

Konferencija je okupila relevantne političke i ekonomske predstavnike regije i međunarodne zajednice radi donošenja konkretne strategije sa realnim planovima za održivi razvoj Srebrenice.

Konferenciji su prisustvovali i članovi Predsjedništva BiH Bakir Izetbegović i Mladen Ivanić, predsjedavajući Vijeća ministara BiH Denis Zvizdić, premijer Srbije Aleksandar Vučić, predsjednik RS-a Milorad Dodik, te premijerka RS-a Željka Cvijanović.

Na konferenciji su takođe govorili ambasadori SAD, Holandije, Turske, Saudijske Arabije i OSCE-a, šef Delegacije EU u BiH i generalni sekretar Vijeća za regionalnu suradnju.



UČEŠĆE AGENCIJE FIPA NA RENEXPO® BIH



Drugi međunarodni sajam i konferencije o obnovljivim izvorima energije i energetske efikasnosti u Bosni i Hercegovini održan je u Sarajevu 4. i 5. novembar 2015. godine.

Amir Kazić, predstavnik Agencije za promociju stranih investicija BiH (FIPAH), učestvovao je na konferenciji i održao prezentaciju o obnovljivim izvorima energije u BiH, o tome zašto ulagati u bh. elektroenergetski sektor. Naveo je da BiH ima povoljne feed-in tarife, a osim toga prema procjenama Svjetske banke, potražnja za električnom energijom u regiji u narednim godinama će biti dramatično povećana što je još jedan razlog za investore da se odluče uložiti svoje sredstva u BiH.

BiH ima veliki hidropotencijal. "BiH je osma u Europi po hidropotencijalu sa snagom od 6.000 megavata. Korisna snaga malih hidroelektrana je procjenjena na 1000 MW i tu je moguće izgraditi i proizvesti oko 3.500 gigvat-sati električne energije", rekao je g. Kazić.

Do sada su identificirani projekti od 300 MW malih hidroelektrana što je značajno za sve one koji žele ulagati u BiH. Osim hidroenergije spomenuo je da su potencijali vjetroenergije koji se procjenjuju na 2.000 MW od kojih će se 350 MW moći povezati na tranzicijsku mrežu do 2020. godine. Vrlo je značajan i potencijal drvnog otpada od 1,5 milijuna kubnih metara.



UČEŠĆE FIPA-E NA PANEL DISKUSIJI „POZITIVNI ASPKETI PRIVATIZACIJE“



Povodom obilježavanja 10 godina uspješne privatizacije firme MANN+HUMMEL BA iz Tešnja, održana je panel diskusija na temu „Pozitivni aspekti privatizacije“. Učesnici panela su bili Mahmut Galijašević, direktor MHBA u BiH, Hansjörg Herrmann, potpredsjednik grupacije MHBA za Europu, Miralem Galijašević, Premijer ZDK, Suad Huskić, načelnik Općine Tešanj, Mirsad Jašarspahić, potpredsjednik Privredne komore FBiH i Nina Pabrić, šefica Odjela za promociju ulaganja u Agenciji FIPA.

Uspješno proveden postupak privatizacije preduzeća UNICO FILTER dd Tešanj značajan je i za širu društvenu zajednicu. Danas je MANN+HUMMEL BA moderna i dinamična kompanija koja upošljava više od 580 zaposlenika. Samo u prošloj godini u fabrici su proizveli više od deset miliona filtera i ostalih komponenti zadržavši raniji prodajni brend “Unico filter” i ostvarili prihod od blizu 60 miliona KM, a zahvaljujući novim ugovorima ove godine će biti za dva miliona veći. Privatizacijski ugovor, potpisan 2005. godine podrazumijevao je da novi većinski vlasnik u naredne tri godine investira tri miliona KM u fabricu i na poslu zadrži 425 radnika. Deset godina poslije koncern iz Njemačke je u tešanjsku fabricu investirao 27 miliona maraka i primio novih oko 150 radnika tako da broj uposlenih sada premašuje 580. Uz fabricu uspješno posluju brojne prateće kompanije, dobavljači i kooperanti. Posebno je značajna činjenica da tešanjaska fabrika posjeduje sve certifikate od standarda kvalitete, do zaštite okoliša. Izvozi 90 posto proizvodnje od čega čak 70 posto na zahtjevno tržište EU.

Inače koncern “Mann Hummel” upošljava više od 16.000 radnika u 60 kompanija širom svijeta. U prošloj godini grupacija je ostvarila prihod od 2,8 milijardi eura.

POSLOVNE VIJESTI ≡



U KONJICU PLANIRANA IZGRADNJA
ELITNOG NASELJA "NERETVA ELITE RESORT"



OTVORENA FABRIKA
U MRKONJIĆ GRADU



...I JOŠ FIPA POSLOVNIH VIJESTI...



U KONJICU PLANIRANA IZGRADNJA ELITNOG NASELJA “NERETVA ELITE RESORT”

Idejni projekt “Neretva elite resort” u Općine Konjic predviđa izgradnju elitnih stambenih jedinica sa popratnim sadržajima: hotelima, restoranima, teniskim, fudbalskim i košarkaškim igralištima, te zatvorenim i otvorenim bazenima. Kompanija ž“Integral elektro” implementira ovaj projekt na zemljištu od 61.500 m² .

Vrijednost projekta je oko 20 miliona eura, a rok za njegovu implementaciju je dvije godine nakon potpisivanja ugovora. Pored idejnog projekta riješen je pravno-imovinski status, te urađena studija izvodljivosti, geološka analiza terena i pretvorba zemljišta u građevinsku kategoriju.

Nekoliko europskih i arapskih investitora je pokazalo interes za ulaganje u ovaj projekt.



1.495.000 KM DODJELJENO ZA UNAPREĐENJE POSLOVNIH ZONA U 11 OPĆINA FEDERACIJE BiH



Federalni ministar razvoja, poduzetništva i obrta Amir Zukić i predstavnici 11 općina s područja Federacije BiH (Bosanska Krupa, Ilijaš, Grude, Tešanj, Gornji Vakuf-Uskoplje, Visoko, Gradačac, Bosanski Petrovac, Kakanj, Posušje i Žepče) su potpisali ugovore o dodjeli grant poticajnih sredstava za unapređenje poduzetničkih zona u FBiH, čija je ukupna vrijednost 1.495.000 KM.

Ministarstvo razvoja poduzetništva i obrta je osiguralo milion KM, a vlada Švicarske 495.000 KM, dok sufinansiranje općina iznosi 607.000 KM.

Sredstva su namijenjena unapređenju infrastrukture i poboljšanju usluga poslovnih zona, te ambijenta za mala i srednja preduzeća koja posluju u okviru tih zona. To bi trebalo doprinijeti razvijanju malih i srednjih preduzeća, a samim tim otvaranju novih radnih mjesta.



OTVORENA FABRIKA U MRKONJIĆ GRADU

Fabrika za proizvodnju silicijum metala R-S silikon otvorena je 26. novembra u Mrkonjić-Gradu. Investitor je grupacija Metalege iz Italije, a ukupna vrijednost projekta je 42 miliona eura. Postrojenja su pustili u rad predsjednik Republike Srpske Milorad Dodik i predsjednik grupacije Metalege Gvido Dusi.

Fabrika trenutno zapošljava 112 radnika, proizvodit će 16.000 tona metal silicijuma godišnje a sva proizvodnja će biti namijenjena izvozu. G. Dusi očekuje da će posao u ovoj fabrici uskoro dobiti još 120 radnika.

Metal silicijum, koji će se proizvoditi bit će korišten za potrebe medicinske i farmaceutske industrije, ali i građevinarstva i industrije metala.



CONSTRUCTION OF THE BIGGEST BLUEBERRY PLANTATION IN EUROPE BEGAN IN THE MUNICIPALITY OF ŽIVINICE



The German company “Elisa Berry” in cooperation with the Municipality of Živinice starts constructing the largest blueberry plantation in Europe, in the village of Dubrava, at the area of over 30 hectares.

“Elisa Berry” is one of the largest companies in Europe, which is dealing with purchase of fruits and vegetables, and has its own production at the plantations around the world.

Current investments of about 1 million EUR will be increased by the construction of cold storage facilities in the industrial zone of Čiljuge which will be one of the biggest distribution centres of berries in the region.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA